

世說補

三十四 豪爽 容止 自新

企羨 傷逝 棲逸

世說補

服部文庫
イ 17
2080
7



117
2080
7



李卓吾批點世說新語補卷之十三

宋 劉義慶 撰

梁 劉孝標 注

宋 劉辰翁 批

明 何良俊 增

王世貞 刪定

王世懋 批釋

李 贄 批點

張文柱 校注

家與

七占十一說補卷之十三

豪爽

○補趙溫居常歎曰大丈夫當雄飛安能雌伏後漢

書曰溫字子柔蜀郡成都人先是趙典為衛尉典兄千謙謙弟溫相繼為三公

○

孔北海居家失勢賓客日滿其門愛才樂士常若不足每歎曰坐上客常滿尊中酒不空吾無

憂矣

古世說不見疑補

○

王大將軍年少時舊有田舍名語音亦楚武帝喚時賢共言伎藝事人皆多有所知唯王都無所關意色殊惡自言知打鼓次帝令取鼓與之

於坐振袖而起揚槌奮擊音節諧捷神氣豪上

傍若無人舉坐嘆其雄爽

○

王處仲世許高尚之目嘗荒恣於色體為之敝

劉云自是可傳傳此者少

左右諫之處仲曰吾乃不覺爾如此者甚易耳

乃開後閣驅諸婢妾數十人出路任其所之時

鄧粲晉紀曰敦性簡脫口不言財其存尚如此

人歎焉王處仲每酒後輒詠老驥伏櫪志在千里烈士

暮年壯心不已魏武帝樂府詩以如意打唾壺壺口盡

缺

劉云四則皆處仲至此欲畫王云老賊故自豪此意尤可憐

劉云如此復何請為

○晉明帝欲起池臺元帝不許帝時為太子好養武士一夕中作池比曉便成今太子西池是也

丹陽記曰西池孫登所創吳史所稱西苑也明帝脩復之耳

○王大將軍始欲下都處分樹置先遣參軍告朝

廷諷旨時賢祖車騎尚未鎮壽春瞋目厲聲語

使人曰卿語阿黑敦小字也何敢不遜催攝回去須

更不爾我將三千兵掣腳令上王聞之而止

○桓宣武平蜀集衆僚置酒於李勢殿巴蜀縉紳

莫不來萃桓既素有雄情爽氣加爾日音調英

劉云似謂檻致之古言俗字容有通用

劉云懷心不服桓故稱子以劣

桓

桓外以是勝王王云敦雖敗猶令人有餘畏桓温所嘆為可兒

發叙古今成敗由人存亡繫才其狀磊落一坐

歎賞既散諸人追味餘言于時潯陽周馥曰恨

卿輩不見王大將軍中典書曰馥周撫孫也字

桓公讀高士傳至於陵仲子便擲去曰誰能作

此溪刻自處皇甫謐高士傳曰陳仲子字子終齊人兄戴相齊食祿萬鍾仲子以

兄祿為不義乃適楚居於陵曾乏糧三日匍匐

而食并李之實二咽而後能視身自織履令妻

子輿願曰惡用此鴟鴞為哉後母殺鴟仲子不

知而食之兄自外入曰鴟鴞肉邪仲子出門哇

而吐之楚王聞其名聘以為相乃夫婦逃去為

人灌園

劉云溪刻雖不可知要是苦語

見古世說仇際
注虞別傳中疑
當屬補

王世將高朗豪率王丞相庾太尉遊于石頭會
世將至爾日迅風飛颿世將倚船樓長嘯神氣
甚逸丞相謂太尉曰世將為復識事太尉曰正
足舒其逸耳王虞別傳曰虞字世將祖覽父正
虞性倨傲不合已者面拒之故為

物所疾加
平南將軍

桓宣武與殷劉談不如甚喚左右取黃皮袴褶
上馬舞稍數迴或向殷或擬劉意氣始得雄

同上

王右軍為會稽內史謝公就乞牋紙右軍檢校
庫中有九萬悉以乞謝公桓宣武聞之曰逸少

古世說不見
疑補

不節

陳林道在西岍

陳達別傳曰達字林道頓川許
昌人祖淮太尉父吟光祿大夫

達少有幹以清敏立名襲封廣陵公黃門郎西
中郎將領梁淮南二郡太守晉陽秋曰達為西
中郎將領淮南太守成歷陽都下諸人共要至牛渚會陳理

既佳人欲共言折陳以如意拄頰望雞籠山歎

曰孫伯符志業不遂

吳錄曰長沙桓王策少有
雄姿風氣年十九而襲業

眾號孫郎平定江東為許貢客射破其面引鏡
自照謂左右曰面如此豈可復立功乎乃謂張
昭曰中國方亂夫以吳越之眾三江之固足以
觀成敗公等善相吾弟呼大皇帝授以印綬曰
舉江東之眾決機於兩陳之間卿不如我任賢
使能各盡其心我不如卿慎勿北渡語畢而薨

劉可嘆

成

年二十。於是竟坐不得談。

○桓石虔司空豁之長庶也。

豁別傳曰。豁字朗子。温之弟。累遷荊州刺

劉云。名鎮惡。遂能斷瘡。第不知當時桓温

史。贈司空。

小字鎮惡。年十七八。未被舉。而童隸已呼

兒。此竟不

為鎮惡。即嘗住宣武齋頭。從征枋頭。車騎冲沒。

陳左右莫能先救。宣武謂曰。汝叔落賊。汝知不。

石虔聞之。氣甚奮。命朱辟為副。策馬於藪。萬眾

中莫有抗者。徑致冲還。三軍歎服。河朔後以其

名斷瘡。

中興書曰。石虔有才幹。有史學。累有戰功。任至豫州刺史。贈後軍將軍。

王司州在謝公坐。詠入不言。今出不辭。乘回

今載雲旗。

離騷九歌。少司命之辭。耳。

語人云。當爾時。覺一坐

無人。

○ ○ 桓玄西下。入石頭。外白司馬梁王奔叛。

續晉陽秋曰。梁

王珍之。字景度。中興書曰。初桓玄篡位。國人有孔璞者。奉珍之奔潯陽。義旗既興。歸朝廷。任至

太常卿。以罪誅。

玄時事。形已濟。在平乘上。笳鼓竝作。直

高詠云。簫管有遺音。梁王安在哉。

阮籍詠懷詩也。

○ ○ 補宗元幹小時。叔父少文問其所志。元幹答曰。願

乘長風。破萬里浪。

孫巖宋書曰。宗慤。字元幹。南陽沮人。元必娶妻。始入門。夜

被劫。慤年十四。援身與拒。眾皆披散。叔少文素著高節。子弟以下。義為業。慤任氣好勇。不為鄉

此點世說補卷之十三

五

劉云。以此為陸可笑。

曲所知

○○補

李永和杜門却掃絕迹下帷棄產營書手自刪

削每歎曰丈夫擁書萬卷何假南面百城北史曰李

謚字永和少好學周覽百氏初師小學博士孔

璠數年後璠還就謚請業同門生為之語曰青

成藍蓋謝青師何常在明經徵拜著作佐郎雖

以授弟郁詔許之州再舉秀才公府二辟並不

就唯以琴書為業有絕世之心及

卒博士孔璠等奏謚為貞靜處士

○○補

裴寬罷郡西歸宋初唐書曰寬聞喜人性通敏

登樓見人於後圃有所瘞藏者訪是裴參軍居

問狀荅曰寬義不以苞苴汚家適有人以鹿為

餉致而去不敢自欺故瘞之說嗟異妻以女天

寶中歷仕至戶部尚書御史大夫李林甫惡之

賤睢陽太守遷東見一士坐樹下甚貧與語奇

海人為禮部尚書

之舉一船金帛盡與之此人不辭登舟奴婢偃

蹇者輒鞭之乃張徐州也唐書曰張建封字本

立鄧州南陽人客隱

兗州父价建封少喜文章能辯論慷慨尚氣自

許以功名顯湖南觀察使韋之晉辟授兵曹參

軍不樂職輒去馬燧雅知之表為判官擢監察

御史李希烈平以功進御史大夫徐泗濠節度

使治徐凡十年一軍大

治下皆畏悅士往如歸

李白錢希白南部新書曰李白山東人父任城

○○補

李白尉因家焉少與魯中諸生孔巢父韓滉裴

政張叔明陶沔隱於徂徠山號竹溪六逸天寶

中遊會稽與吳筠隱剡中筠徵赴闕薦之於朝

待詔翰林唐書曰白有逸才志氣宏放飄然有

超世之心玄宗欲造樂府新詞召白白已醉臥

此點世說補卷之十三

史

○○補

酒肆召入。以水灑面。即秉筆成十餘章。上嘉之。嘗沉醉殿上。引足令高力士脫靴。由是斥去。浪迹江湖。嘗月夜乘舟。自采石達金陵。衣宮錦袍。舟中笑傲。傍若無人。後坐永王璘事。長流夜郎。遇赦還。卒。

登華山落鴈峰。 山海經曰。泰華之山。削成而四方。高五千仞。華山志曰。三峰直上。晴霽可觀。 **曰。此處呼吸之氣。想通帝坐。** 史記曰。中端門。門左右掖門。門內六星。諸侯也。其內五星。五帝座。 **恨不攜謝朓驚人詩來。搔首問青天爾。** 詩品曰。晁奇章秀句。往往警邁。至為後進士子之所嗟慕。

滕達道微時。 東都事略曰。滕元發。字達道。東陽人。范仲淹見而奇之。神宗朝。拜翰林學士。性疎達。在上前論事。如家人父子。言無文飾。洞見肝膈。神宗知其誠盡。後力言新法之害。落職。知筠州。或以為且。有後命。元發曰。吾直上知吾忠。吾何憂哉。上章自訟。存曰。樂無功。謗書滿篋。即里何罪。毀言日聞。為范文正上覽之。釋然。改知揚州。卒。謚章敏。

狹 羊

○○補

館客常私就。使邪飲。范病之。一夕候其出。徑坐達道書室。明燭讀書。以俟其至。達道大醉。竟入長揖。問范公讀何書。曰。漢書。復問。漢高帝何如人。范逡巡走入。 文正公年譜曰。公諱仲淹。字希文。蘇州人。仁宗朝。官至參知政事。謚文正。

蘇子美豪放不羈。好飲酒。 宋史曰。蘇舜欽。字子美。慷慨有大志。范仲淹薦。試集賢校理。監進奏院。舜欽娶宰相杜衍女。衍時與仲淹富弼在政。此點世說補卷之十三

季公頗通
不慮知此

府多引用一時聞人御史中丞王拱辰等不便其所為會進奏院祠神舜欽輒鬻故紙公錢召妓樂會客拱辰廉得之諷其屬劾奏因搖動行舜欽坐自盜除名既放廢寓居吳中買水石作滄浪亭益讀書自喜時發憤懣於歌詩往往驚人

杜衍字世昌越州山陰人父遂良尚書員外郎衍苦志厲操尤篤於學擢進士甲科歷龍圖學士刑部侍郎樞密副使每夕讀書以一斗為率公深以為

疑密使覘之子美讀漢書張良傳至良與客狙擊秦始皇帝撫掌曰惜乎擊之不中遂滿引一大

白又讀至良曰始臣起下邳與上會於留此天以授陛下又撫案曰君臣相遇其難如此復舉

一大白公笑曰有如此下物一斗不足多也

曰張良其先五世相韓秦滅韓良悉以家財求客刺秦王嘗學禮淮陽東見滄海君得力士為鐵椎重百二十斤秦皇帝東遊良與客狙擊秦皇帝博浪沙中誤中副車更名姓亡匿下邳漢六年封功臣良未嘗有戰鬪功高帝曰運籌策帷幄中決勝千里外子房功也自擇齊三萬戶良曰始臣起下邳與上會留此天以臣授陛下臣願封留足矣乃授張良為留侯

容止

○補陸子春姿容如玉威儀秀異

吳地記曰陸闔字子春吳郡吳人陸

暢之光武嘗登臺見而偉之歎曰南方故多佳

謝承後漢書曰陸闔建武中為尚書令美姿貌喜着越布單衣上見而好之自是嘗敕會

容止

此點世兌補卷之十三

狙

稽郡獻
越布。

○魏明帝使后弟毛曾與夏侯玄共坐時人謂兼

葭倚玉樹魏志曰玄為黃門侍郎與毛曾並坐玄甚耻之曾說形於色明帝恨之左

遷玄為
羽林監。

○何平叔美姿儀面至白魏明帝疑其傅粉正夏

月與熱湯麩既啖大汗出以朱衣自拭色轉皎

然魏略曰晏性自喜動靜粉帛不去手行步顧影按此言則晏之妖麗本資外飾且晏養自

宮中與帝相長豈復疑其形姿待驗而明也

○補劉季和嘗言荀令君典略曰荀彧字文若潁州人為漢侍中守尚書令

為人美偉折節待士坐不累席其在臺閣問不以私欲撓意年五十薨謚曰敬侯以其名德高

追贈至人家坐處常三日香襄陽記曰劉季和性愛香嘗上廁還

過香鑪上主簿張坦曰人名公作俗人不虛也

李和曰荀令君至人家坐處三日香為我如何

令君而惡我愛我也坦曰古有奸婦人患而捧

心頻眉見者皆以為為好其鄰醜婦法之見者走

公便欲使下官逃走邪

季和大笑以是知坦

○時人目夏侯太初朗朗如日月之入懷李安國

積唐如玉山之將崩魏略曰李豐字安國衛尉李義子也識別人物海內

注意明帝得吳降人問江東聞中國名士為誰以安國對之是時豐為黃門郎改名宣上問安國所在左右公卿即具以豐對上曰豐名乃被於吳越邪仕至中書令為晉王所誅

此點世說補卷之十三

九

劉夏養官
時尚未有明帝
註駁未當

愛我可疑
或恐愛香

劉云何其開爽

○ ○ 嵇康身長七尺八寸。風姿特秀。康別傳曰。康長七尺八寸。偉容

色。土木形骸。不加飾厲。而龍章鳳姿。天質自然。正爾在羣形之中。便自知非常之器。見者

歎曰。蕭蕭肅肅。爽朗清舉。或云。肅肅如松下風。

高而徐引。山公曰。嵇叔夜之為人。也。巖巖若孤

松之獨立。其醉也。傀俄若玉山之將崩。

裴令公目王安豐。眼爛爛如巖下電。王戎形狀短小。而目

甚清炤。視日不眩。

潘岳妙有姿容。好神情。岳別傳曰。岳姿容甚美。風儀間曠。少時

挾彈出洛陽道。婦人遇者。莫不連手共縈之。左

美

劉云。理不但眉。眉何至委頓。

太冲絕醜。續文章志曰。思貌醜。頰不持儀飾。亦復效岳遨遊於

是羣。媼齊共亂唾之。委頓而返。語林曰。安仁至美。每行。老媼以

果擲之。滿車。張孟陽至醜。每行。小兒以瓦石投之。亦滿車。二說不同。

王夷甫容貌整麗。妙於談玄。恒捉白玉柄麈尾。

與手都無分別。

潘安仁夏侯湛並有美容。喜同行。時人謂之連

璧。八王故事曰。岳與湛著契。故好同遊。

裴令公有雋容姿。一旦有疾。至困。惠帝晉書曰。帝諱衷。

武帝太子。在位十七年。中毒而崩。使王夷甫往看。裴方向壁臥。

此點世說補卷之十三

必為羣媼所唾。好事者之談也。語林亦然。未聞醜人。

聞王使至，強回視之。王出語人曰：「雙眸閃閃，若巖下電，精神挺動，體中故小惡。」名士傳曰：楷病困，詔遣黃門郎

王夷甫省之，楷回眸屬夷甫云。竟未相識，夷甫還亦歎其神儻。

○ ○ 裴令公有儁容儀，脫冠冕，麤服亂頭，皆好。時人以爲玉人，見者曰：「見裴叔則，如玉山上行，光映照人。」

○ 有人語王戎曰：「嵇延祖，卓卓如野鶴之在雞羣。」

答曰：「君未見其父耳。」康也。

○ 劉伶身長六尺，貌甚醜頓，而悠悠忽忽，土木形

骸。梁祚魏國統曰：伶形貌醜陋，身長六尺，然雖骨意放蕩，悠焉獨曠，自得一時，常以宇宙爲狹。

○ 補 陸士龍好笑，嘗著綰幘上船，水中自見其影，便大笑不已，幾落水。

○ ○ 驃騎王武子，是衛玠之舅，儁爽有風姿，見玠輒

歎曰：「珠玉在側，覺我形穢。」玠別傳曰：驃騎王濟之舅也，嘗與同遊。

語人曰：昨日吾與外生共坐，若明珠之在側，朗然來照人。

○ ○ 衛玠從豫章至下都，人久聞其名，觀者如堵牆。

玠先有羸疾，體不堪勞，遂成病而死。時人謂看

殺衛玠。玠別傳曰：玠在羣伍之中，寔有異人之

劉云覺玠之好

錫

誰家壁人。於是家門州黨。號為壁人。按永嘉流人名曰玠。以永嘉六年五月六日至豫章。其年六月二十日卒。此則玠之南度豫章四十五日。豈暇至下都而亡乎。且諸書皆云玠亡在豫章。而不云在下都也。

劉云婦人語

王丞相見衛洗馬曰。居然有羸形。雖復終日調。暘若不堪羅綺。玠別傳曰。玠素抱羸疾。西京賦曰。始徐進而羸形。似不勝乎羅綺。

○有人詣王太尉。遇安豐大將軍丞相在坐。往別

屋。見季胤平子。石崇金谷詩叙曰。王詡字季胤。瑯琊人。王氏譜曰。詡夷甫弟也。

還語人曰。今日之行。觸目見琳琅珠玉。任至修武令。

古說不見
說補

○庾公道王尼。非唯事事勝人。布置須眉亦勝人。

我輩皆出其轅下。晉中興書曰。王尼字孝孫。晉陽覆沒。避亂江夏。王澄時為

荆州見之欣喜厚供給之。

周伯仁道桓茂倫。欽崎歷落可笑人。或云謝幼

輿言。

庾子嵩長不滿七尺。腰帶十圍。穢然自放。

○周侯說王長史父。王氏譜曰。訥字文開。太原人。祖默。尚書父。祐散騎常侍。訥

始過江。仕形貌既偉。雅懷有槩。保而用之。可作

諸許物也。至新淦令。

劉云水日全用
此語似切似偷

劉云諸許猶言
一切

祖士少見衛君長云。此人有旄仗下形。

○ ○ 庾太尉在武昌。秋夜氣佳。景清。使吏殷浩。王胡

之之徒。登南樓理詠。音調始適。聞函道中有履

聲甚厲。定是庾公。俄而率左右十許人步來。諸

賢欲起避之。公徐云。諸君少住。老子於此處興

復不淺。因便據胡牀。與諸人詠。諱竟坐。甚得任

樂。後王逸少下。與丞相言及此事。丞相曰。元規

爾時風範。不得不小積。右軍荅曰。唯丘壑獨存。

王敬豫有美形。問訊王公。王公撫其肩曰。阿奴

劉云觀此語元規魏我可想

王云意重殷王

恨才不稱。又云敬豫事事似王公。

○ 王右軍見杜弘治。歎曰。面如凝脂。眼如點漆。此

神仙中人。江左名士傳曰。永和中。劉真長謝仁祖。共商略。中朝人士。或曰。杜弘治清

標令上。為後來之美。又面如凝脂。眼如點漆。粗可得方。諸衛珍。時人有稱王長

史形者。蔡公曰。恨諸人。不見杜弘治耳。

○ 劉尹道桓公鬢如反狷皮。眉如紫石稜。自是孫

仲謀司馬。宣王一流人。宋明帝文章志曰。溫為

曰。孫權字仲謀。策弟也。漢使者劉琬語人曰。吾

觀孫氏兄弟。雖並有才秀明達。皆祿祚不終。唯

中弟孝廉。形貌魁偉。骨體不恒。有大貴之

表。晉陽秋曰。宣王天姿傑邁。有英雄之略。

此點世說補卷之十三

劉云英物爾醜

○王敬倫風姿似父作侍中

劭別傳曰。劭字敬倫。丞相導第五子。清貴。

簡素。研味玄蹟。大司馬桓温稱爲鳳雛。累遷尚書僕射。吳國內史。

加授桓公公

服從大門入。桓公望之曰。大奴固自有鳳毛。

大奴。

劭也。中興書曰。劭美姿容。持儀操也。

○林公道王長史。斂衿作一來。何其軒軒韶舉。

林語。

曰。王仲祖有好儀形。每覽鏡自照曰。玉文開。邪。生如馨兒。時人謂之達也。

○時人目王右軍。飄如遊雲。矯若驚龍。

○王長史嘗病。親疎不通。林公來守門人遽啓之。

曰。一異人在門。不敢不啓。王笑曰。此必林公。

按語。

林曰。諸人嘗要阮光祿共詣林公。阮曰。欲聞其言。惡見其面。此則林公之形。信當醜異。

○或以方謝仁祖。不乃重者。桓大司馬曰。諸君莫

輕道仁祖。企脚北窻下。彈琵琶。故自有天際真

人想。

晉陽秋曰。尚善音樂。裴子云。丞相嘗曰。堅石。挈脚枕琵琶。有天際想。堅石尚小名。

○王長史爲中書郎。往敬和許。爾時積雪。長史從

門外下車。步入尚書著公服。敬和遙望。歎曰。此

不復似世中人。

○簡文作相王時。與謝公共詣桓宣武。王珣先在

內。桓語王卿。嘗欲見相王。可住帳裏。二客既去。

劉云。雷宜爾。

王云此東亭媚語安石恐未肯便沒

桓謂王曰定何如王曰相王作輔自然湛若神

君

續晉曰陽秋曰帝美風姿舉止端詳

公亦萬夫之望不然僕射

何得自沒

僕射謝安

○海西時諸公每朝朝堂猶暗唯會稽王來軒軒

如朝霞舉

海西公奕別見

○謝車騎道謝公遊肆復無乃高唱但恭坐捻鼻

顧睩便自有寢處山澤間儀

○謝公云見林公雙眼黯黯明黑孫興公見林公

稜稜露其爽

劉云意態略似但不成語

劉云意態略似

○庾長仁與諸弟入吳欲住亭中宿諸弟先上見

羣小滿屋都無相避意長仁曰我試觀之乃策

杖將一小兒始入門諸客望其神姿一時退匿

一說是庾亮

○有人歎王恭形茂者云濯濯如春月柳

○補謝晦美風姿善言笑眉目分明鬚髮如墨時謝

混風鑑為江左第一常與晦同在宋武帝前帝

目之曰一時頓有兩玉人

○補有人詣謝益壽言向在劉丹陽坐見一客殊毛

批點世說新語卷之十三 一五

謝曰。正是我家阿瞻。益壽。混小字。

○補 王景文風姿為一時之冠。袁粲歎曰。景文非但

風流可悅。乃輔啜亦復可觀。有客及識謝混者。

曰。景文方謝叔源。則為野父矣。粲惆悵曰。恨眼

中不見如此人。續世說曰。宋孝武選侍中四人。並以風貌。王或。謝莊。為一雙。阮

韜。何偃。為一雙。

○補 張思曼吐納風流。聽者皆忘饑疲。見者蕭然如

在宗廟。

○補 梁武平建業朝士皆造之。謝景滌時年二十。意

氣閒雅。瞻視聰明。梁武目送良久。謂徐勉曰。覺

此生芳蘭竟體。南史曰。謝覽。字景滌。陳郡陽夏人。父瀾。太子詹事。覽選尚齊錢

唐公主。仕梁為吳興太守。

○補 陶隱居身長七尺四寸。神儀明秀。朗目疎眉。細

形長耳。雖在朱門。閉影不交外物。南史曰。陶弘

陽秣陵人。高其志節。累辭徵命。隱於句容之句

曲山。中山立館。自號華陽隱居。人間書札。以隱居代名。卒。謚貞白先生。

○補 李密目瞳子。正方黑白明澈。隋書曰。密。字法主

也。才兼文武。志氣雄遠。散財養客。後更折節。下

帷。耽學。楊玄感舉兵。以為謀主。屢戰克捷。上號

魏公設壇即位歸身於唐封邢國公煬帝見之隋書曰帝諱廣文

立承富強之業慨然慕秦皇漢武之為人謂宇

窮侈極欲巡狩揚州為宇文化及所弑謂宇文述

文述隋書曰宇文述字伯通代郡武川人周武

將軍曰左仗下黑色小兒為誰云是蒲山公李

寬子帝曰此小兒瞻視異常無令入衛密傳曰

寬子密父寬

自周及隋數經將領驍勇善戰幹略過人

補朱泚之亂唐書曰泚幽州昌平人以父資從軍

涇原兵作亂奉泚為主居白華殿自裴佶與衣

稱大秦皇帝官軍收復京師斬之

冠數人佯為奴求出城佶最寢陋自稱甘草門

兵曰此數子定非人奴如甘草者不疑劉响曰

佶字弘正裴耀卿之孫能屬文弱冠舉進士德

宗南狩奔詣行在拜拾遺佶清勁温敏所交皆

當時第一流與鄭餘慶特相友善

佶沒餘慶行朋友之服縉紳美之

補趙匡凝每整衣冠使人持巨鑑前後照微覺有

塵即令持紅拂去之五代史記曰趙匡凝字光

嚴喜自修飾頗好學問聚儀蔡州人氣貌甚偉性方

書數千卷為政有威惠

自新

周處年少時兇彊俠氣為鄉里所患處別傳曰

自新

治細行晉陽秋曰處

輕果薄行州郡所棄

又義興水中有蛟山中有

此點世說補卷之十三

世說新語卷之十三

遘跡一作額。虎竝皆暴犯百姓。義興人謂為三橫。

而處尤劇。或說處殺虎斬蛟實翼三橫。唯餘其

一處。卽刺殺虎。又入水擊蛟。蛟或浮或沒。行數

十里。處與之俱經三日三夜。鄉里皆謂已死。更

相慶。竟殺蛟而出。聞里人相慶。始知為人情所

患。有自改意。孔氏志怪曰。義興有邪足虎。溪渚

謂郡中三害。周卽處也。乃自吳尋二陸平原不在。正見清

河。具以情告。并云欲自修改。而年已蹉跎。終無

所成。清河曰。古人貴朝聞夕死。況君前途尚可。

且人患志之不立。亦何憂令名不彰邪。處遂改

勵。終為忠臣孝子。晉陽秋曰。處仕晉為御史中

丞。多所彈糾。氏人齊萬年反。乃令處距萬年。伏波孫秀欲表處母老。處曰。忠

孝之道。何當得兩全。乃進戰。斬首萬計。弦絕矢

盡。左右勸退。處曰。此是吾授命之日。遂戰而沒。

戴淵少時遊俠。不治行檢。嘗在江淮間。攻掠商

旅。陸機赴假還洛。輜重甚盛。淵使少年掠劫。淵

在岍上。據胡牀。指麾左右。皆得其宜。淵既神姿

降穎。雖處鄙事。神氣猶異。機於船屋上遙謂之

曰。卿才如此。亦復作劫邪。淵便泣涕。投劔歸機。

峰

〇〇

世說新語卷之十三

十八

辭厲非常。機彌重之。定交作筆薦焉。虞預晉書曰。機薦淵於趙王倫曰。蓋聞繁弱登御。然後高壩之功顯。孤竹在肆。然後降神之曲成。伏見處士戴淵。砥節立行。有井渫之潔。安窮樂志。無風塵之慕。誠東南之遺寶。朝廷之貴璞也。若得寄跡康衢。必能結軌驥。耀質廊廟。必能垂光瑜璠。夫枯岍之民。果於輸珠。潤山之客。烈於貢玉。蓋明暗呈形。則庸識所甄。也。倫即辟淵。過江仕至征西將軍。

○補齊高帝有故吏竺景秀。嘗以過繫作部。高帝語

荀伯玉卿。比看景秀否。答曰。數往候之。備加責。謂景秀言。若許某自新。則吞刀刮腸。飲灰洗胃。帝善其言。乃釋之。南史曰。伯玉字弄璋。廣陵人。祖承。南譙太守。父闡之。給事

中。伯玉仕宋為晉安王參軍。高帝為南兖州。伯玉從。轉驃騎中兵參軍。忠勤盡心。常衛左右。犬見親信。永明元年。以事伏誅。

改○補張延符少不拘檢。肆意略遊。父思曼請假還吳。

始入西郭。延符正獵。左手臂鷹。右手牽犬。遙望見思曼。乃放鷹。繼犬向舟而拜。思曼曰。一身兩役。無乃勞乎。延符跪對曰。充聞三十而立。今二十九矣。請至來歲。終身折節。思曼曰。過而能改。乃顏子矣。明年。畚然易操。尋師就學。博覽古籍。鬱為名士。劉璠梁典曰。張充字延符。父緒。官特進。有重名。充該通老易。能清言。與從

批點世說補卷之十三

叔稷俱有令譽歷殿中郎終吳郡太守

企羨

○補郭林宗遊京師當還鄉里送車千許乘李膺亦在焉衆人皆詣大槐客舍而別獨膺與林宗共載乘薄笨車上大槐坂觀者數百人引領望之眇若松喬之在霄漢

○補庾徵君少給事縣庭郭林宗見而拔之勸遊學宮遂爲諸生傭後能講論自以卑第每處下坐諸生博士皆就傭問由是學中以下坐爲貴范

後漢書曰庾乘字世遊潁川駟陵人徵辟竝不起世號徵君

注世說曰見古世說品藻此略取

○補

裴國寶晉諸公贊曰裴瓚字國寶備之子才氣爽雋終中書郎世說曰正始中人士比

論以五荀方五陳八裴方八玉以裴瓚方玉敦是裴叔則子風神高邁

特爲王萬子所重每從之遊萬子父安豐謂之

曰國寶初不來汝那得數往萬子曰國寶雖不

知綏綏自知國寶

○

王丞相拜司空桓廷尉作兩髻葛屨策杖路邊窺之歎曰人言阿龍超阿龍故自超阿龍承不相小字不覺至臺門

劉云至無紫妻
語懷相抱似

○○王丞相過江自說昔在洛水邊數與裴成公阮千里諸賢共談道羊曼曰人久以此許卿何須復爾王曰亦不言我須此但欲爾時不可得耳

欲一作歎

○○王右軍得人以蘭亭集序方金谷詩序又以已

敵石崇甚有欣色

王羲之臨河敘曰永和九年歲在癸丑暮春之初會于會稽山陰之蘭亭脩禊事也羣賢畢至少長咸集此地有崇山峻嶺茂林脩竹又有清流激湍映帶左右引以為流觴曲水列坐其次是日也天朗氣清惠風和暢娛目騁懷信可樂也雖無絲竹管絃之盛一觴一詠亦足以暢叙幽情矣故列序時人錄其所述右將軍司馬太原孫承公

稽山陰之蘭亭脩禊事也羣賢畢至少長咸集此地有崇山峻嶺茂林脩竹又有清流激湍映帶左右引以為流觴曲水列坐其次是日也天朗氣清惠風和暢娛目騁懷信可樂也雖無絲竹管絃之盛一觴一詠亦足以暢叙幽情矣故列序時人錄其所述右將軍司馬太原孫承公

碓

等二十六人賦詩如左前餘姚令會稽謝勝等十五人不能賦詩罰酒各三斗石崇金谷詩序曰余以元康六年從太僕卿出為使持節監青徐諸軍事征虜將軍有別廬在河南縣界金谷澗中或高或下有清泉茂林象果竹柏藥草之屬莫不畢備又有水碓魚池土窟其為娛日歡心之物備矣時征西大將軍祭酒王詡當還長安余與眾賢共送往澗中晝夜遊宴屢遷其坐或登高臨下或列坐水濱時琴瑟笙篳合載車中道路並作及佳令與鼓吹遞奏遂各賦詩以叙中懷或不能者罰酒三斗感性命之不永懼凋落之無期故具列時人官號姓名年紀又寫詩著後後之好事者其覽之哉凡三十人

○王司州先為庾公記室參軍後取殷浩為長史始到庾公欲遣王使下都王自啓求住曰下官

此點世說補卷之十三

十一

希見盛德淵源始至猶貪與少日周旋

○孟昶未達時家在京口晉安帝紀曰昶字彥達平昌人父馥中護軍昶

矜嚴有志局少為王恭所知豫義旗之勳遷丹陽尹盧循既下昶慮事不濟仰藥而死嘗

見王恭乘高輿被鶴氅裘于時微雪昶於籬間

窺之歎曰此真神仙中人

袁彥道袁鮒別見有二妹一適殷淵源一適謝仁祖

袁氏譜曰鮒大妹名女皇適殷浩小妹名女正適謝尚語桓宣武云恨不

更有一人配卿

○補王曇首李延壽南史曰王曇首太保弘之弟幼有素尚兄弟分財曇首唯取圖書而已

辟瑯琊王年十四五便歌諸妓向謝公靈運稱歎

公甚欲聞之而王名家年少無由得聞諸妓又

向王說謝公意謝後出東府土山上作伎王時

作兩丸髻著袴褶騎馬往土山下庾家墓林中

作一曲歌于時秋月王因舉頭看北林卒曲便

去妓白謝公曰此是王郎歌

○補謝叔源誅後及宋武受禪謝晦言曰陛下應天

受命登壇日恨不得謝益壽奉璽紱帝亦歎曰

吾甚恨之使後生不得見其風流

古世說任誕

○補張新安少與顏光祿延之鄰居。顏談議飲酒喧

呼不絕。新安靜翳無言聲。後顏於籬邊聞其與

客語。設胡牀坐聽。辭義清玄。顏指謂坐賓曰。此

中有人。由此不復酣呌。南史曰。張演四弟。鏡。永。辨。岱。俱知名。時謂張氏。

五龍。鏡名最高。仕至新安太守。

○補崔瞻才學風流。為後來之秀。北史曰。瞻字彥通。

容止。神彩嶷然。言不妄發。才學風流。後來之秀。魏孝靜嘗人日登雲龍門。凌瞻皆侍宴。有應詔

詩。帝問邢劭曰。瞻詩何如其父。劭曰。凌博雅弘。麗。瞻氣調清新。並詩人之冠。謙罷。共嗟賞之。咸

曰。今日之謙。并為崔瞻父子。侍中李神儁晚年無子。語邢劭

曰。昨見崔陵兒。便為後生第一。我遂無此物。使

人傷懷。

○補仲長子光。王績仲長先生傳曰。先生諱子光。字

給。無室廬。絕妻子。開皇末。始庵河渚間。以息身

焉。賣藥為業。人莫之知也。汾陰生遊河渚。一觀

而伏曰。東方朔管輅不如也。由是顯重。守令至

者皆親謁。先生辭以瘠疾。未嘗交語。暮獨遊頌

河者。先生傳以自喻。識者知其懸解人也。有請

道者。劔書老易二字示之。彈琴餌藥以終其世。

王通中說曰。薛收問仲長子光。子曰。天人也。收

曰。何謂天。人。子曰。眇然小乎。所以屬於人。曠哉

大乎。獨能隱居北渚。王無功愛其貞素。徙與相

成其天。近。唐書曰。王績字無功。絳州龍門人。大業中授

楊州六合縣丞。棄官結廬河渚。以琴酒自樂。

嘗躬耕東臯。時人號東臯子。或過酒肆。動經數日。往往題壁作詩。多為好事者。諷詠。臨終遺命。薄葬。預自為墓誌。

○○補

歐陽率更行見古碑。

張懷瓘書斷曰。歐陽詢字信本。長沙汨羅人。官至太子

率更令。善書。筆力勁險。篆體尤妙。高麗國王愛其書。遣使請焉。神堯曰。不意詢之書名遠播。

是索靖所書。

羊情能書人。姓名曰。燉煌索靖。張芝姊之孫。官至征南司馬。善

草書。抱朴子曰。善書者。中州則有索靖。用古法。體飄乎若起鴻之乘勁風。騰鱗之躡驚雲。馬

馬觀之。良久而去。數百步復還。下馬佇立。疲倦。

則布毯坐觀。三日乃去。

○○補

閣立本善畫。

朱景玄唐朝名畫錄曰。閣立本。太宗朝官宰相。畫入神品。與兄立德

於世。至荊州。見張僧繇舊迹。曰。定虛得名耳。明

日又往。曰。猶近代佳手。明日又往。曰。名下定無

虛士。因坐臥觀之。留宿其下。

宣和畫譜曰。張僧繇。吳人。天監中。官

去

右將軍。以丹青馳譽于時。嘗於金陵安樂寺畫四龍。不點目睛。謂點之。則驤騰而去。人以為誕。固請點之。因為落墨。纔及二龍。果雷電破壁。徐視畫已失矣。獨二龍未點睛者在焉。世謂僧繇畫骨氣奇偉。規模宏逸。六法精備。當與顧陸並馳爭先。

蕭穎士

李華撰穎士文集序曰。蘭陵蕭穎士。字茂挺。十九進士擢第。淮南連帥表為揚

州功曹。君以文章制度為已任。時人咸以此許之。及卒。門人謚為文元先生。唐詩紀事曰。穎士以拔獎後進為任。如李陽冰。皇甫冉。陸渭。皆由獎目為名士。天下推知人。稱蕭功曹。與李華齊

世說新語卷之十三

名世號有一僕事之十餘年每加箠楚輒百餘

不堪其苦人或激之使去其僕曰我非不能他

從所以遲留者特愛慕其博奧耳李冗獨異志曰穎士常使

一傭僕名杜亮

○補

蘇司業

杜工部集曰蘇源明天寶中守東平召為國子司業祿山陷京師源明以病不

擢

受僞官肅宗復兩京權考功郎中知制誥每謂當時名士曰僕不幸

生於衰俗所不耻者識元紫芝

○補

寇萊公出入宰相三十年不營私第處士魏野贈詩曰有官居鼎鼐無地起樓臺公南遷時北

使至內宴歷視諸宰執語譯者曰孰是無地起

樓臺相公

王聖塗泚水燕談曰陝右處士魏野與蒲中李漬俱有高節以吟詠相

善野於東郊鑿土室方丈蔭以修竹泉流其前曰樂天洞

李卓吾批點世說新語補卷之十三

此點世說補卷之十三

李卓吾批點世說新語補卷之十四

宋 劉義慶 撰

梁 劉孝標 注

宋 劉辰翁 批

明 何良俊 增

王世貞 刪定

王世懋 批釋

李 贄 批點

張文柱 校注

傷述

此點世說新語卷之十四

傷逝

○ ○

古世說不見
疑補

龔勝死

漢書曰龔勝字君賓楚人王莽徵之不食而死

楚父老來弔哭

甚哀既而嘆曰薰以香自燒膏以明自煎嗟哉

龔生竟天天年非吾徒也

徐州先賢傳曰楚老彭城之隱人也

陳蕃竇武為中官所害

後漢書曰竇武字遊平扶風平陵人安豐戴侯

融之玄孫也父奉定襄太守武少以經行著稱

桓帝拜城門校尉在位多辟名士清身疾惡禮

賂不通時國政多失內官專寵李膺杜密等為

黨事考迷武上疏出之靈帝立拜大將軍封開

喜侯武既輔政有誅剪宦官之意與太傅陳蕃

共謀天下雄俊莫不延頸企踵思奮其力於是

盡收諸狡猾無狀者送北寺獄會山等共劫太

后奪璽書率五營士討武武走圍殺之梟首洛

同上 ○ ○

陽都

郭林宗哭之於野

檀弓曰所知吾哭

而歎曰人之云亾邦國殄瘁

不知於誰之屋

小雅正月詩

同上 ○ ○

范巨卿與張元伯為友

范曄後漢書曰張劭字

交二人告歸鄉里式謂元伯曰後二年當還將

過拜尊親見孺子焉共勉期日後期至元伯具

以白母請設饌候之母曰千里結言爾何相信

之審耶對曰巨卿信士必不乖違母曰若然當

為爾醢酒至日巨卿果到升堂拜飲盡歡而別

後元伯寢疾同郡郵君章殷子徵晨夕省視元伯臨盡歎曰恨不見吾

死友子徵曰吾與君章盡心於子是非死友復

欲誰求。元伯曰。若二子者。吾生友耳。山陽范巨卿。所謂死友也。元伯尋卒。范忽夢見元伯。玄冕垂纓。屣履而呼曰。巨卿。吾以某日死。當以爾時葬。永歸黃泉。子未我忘。豈能相及。范恍然覺寤。便往奔喪。未及到而喪已發。引柩不肯前。其母撫之曰。元伯豈有望耶。遂停移時。見有素車白馬。號哭而來。母云。是必范巨卿也。巨卿既至。叩棺言曰。行矣。元伯。死生異路。永從此辭。會葬。千人皆為揮涕。范執紼引柩。喪乃得前。謝承後漢書曰。式少

尚節義。游學京師。同業有長沙陳平子。與式相見。被病將亡。謂其妻曰。范巨卿烈士。可託死。吾歿後。以屍埋巨卿。尸前裂素為書。以遺巨卿。時式出行。適還省。書恰然。向墳揖哭。以為死友。營護平子妻兒。身自送喪於臨湘。未至四五里。委素書於柩上。哭別而去。其兄弟尋求不復見。

孔北海與蔡中郎素厚。蔡亾後。有虎貴士。貌類於蔡。北海每酒後。引與共坐。曰。雖無老成人。且

有典刑。小雅蕩詩。

王仲宣好驢鳴。魏志曰。王粲字仲宣。山陽高平人。曾祖。父。皆為漢三公。粲至長安。見蔡邕。邕奇之。倒屣迎之。曰。此王公孫。有異才。吾不及也。吾家書籍盡當與之。避亂荆州。依劉表。以粲貌寢通脫。不甚重之。太祖以從征吳道中卒。既葬。文帝臨其

王云世說唯傳。逝獨妙無一語。不解隕神。劉云不應送客。

同上○○○

蓋能驢鳴

喪顧語同遊曰王好驢鳴可各作一聲以送之

儻亦同之

王濬沖為尚書令著公服乘輅車經黃公酒壚

下過韋昭漢書注曰壚酒肆也顧謂後車客吾

昔與嵇叔夜阮嗣宗共酣飲於此壚竹林之遊

亦預其末自嵇生夭阮公亾以來便為時所羈

繼今日視此雖近邈若山河竹林七賢論曰俗

之嘗以問其伯文康文康云中朝所不聞江左忽有此論蓋好事者為之耳

○ ○ 古世說不見疑補

羊太傅好山水每風景必造峴山南雍州記曰峴山臨漢水

上望之隱然蓋諸山之小者而其名特著置酒言詠終日不倦嘗慨

然歎息顧謂從事中郎鄒湛別見曰自有宇宙便

有此山由來賢達勝士登此遠望如我與卿者

多矣皆湮滅無聞使人悲傷如百歲後有知吾

魂魄猶應登此十道志曰祐沒襄人感其德立祠刻碑其上過者莫不流涕杜

預名其碑為墮淚碑

○ ○ 孫子荆以有才少所推服唯雅敬王武子武子

喪時名士無不至者子荆後來臨屍慟哭賓客

此點世說補卷之十四

莫不垂涕。哭畢，向靈牀曰：「卿常好我作驢鳴，今

為卿作體，似真聲。」賓客皆笑。孫舉頭曰：「使君輩

存，令此人死。」語林曰：王武子葬孫子，孫哭之甚悲。賓客莫不垂涕。既作驢鳴，賓客皆笑。孫曰：諸君不死，而令武子死乎？賓客皆怒。

○王戎喪兒萬子，山簡往省之。王悲不自勝。簡曰：

「孩抱中物，何至於此？」王曰：「聖人忘情，最下不及

情，情之所鍾，正在我輩。」王隱晉書曰：戎子綏欲取裴道女，綏既蚤亡，戎

過傷痛，不許人求之。遂至老，無敢取者。簡服其言，更為之慟。一說是王

夷甫喪子，山簡弔之。

王云妙語實境

○有人哭和長輿曰：「峨峨若千丈松崩。」

衛洗馬以永嘉六年喪，謝鯤哭之，感動路人。流人名曰：玠以六年六月二十日亡，葬南昌城

許徵墓東。玠之薨，謝幼輿發哀於武昌，感動不自勝。人問子何卹而致哀如？咸和中，丞相王公

是答曰：「棟梁折矣，何得不哀？」

教曰：「衛洗馬當改葬，此君風流名士，海內所瞻

可修薄祭，以敦舊好。」玠別傳曰：玠咸和中故，遷於江寧，丞相王公教曰：洗

馬明當改葬。此君風流名士，海內民望，可修三牲之祭，以敦舊好。

○顧彥先平生好琴，及喪，家人常以琴置靈牀上。

○張季鷹往哭之，不勝其慟，遂徑上牀鼓琴作數

曲竟撫琴曰顧彥先頗復賞此不因又大慟遂不執孝子手而出

○○ 庾亮兒遭蘇峻難遇害諸葛道明女為庾兒婦

恢別傳曰恢字道明瑯琊陽都人祖誕司空父靚亦知名恢少有令聞稱為名賢避難江左中宗召補主簿累遷尚書令庾氏既寡將改適與譜曰庾亮子會娶恢女名文虎

亮書及之亮荅曰賢女尚少故其宜也感念凶

兒若在初沒

○○ 庾文康公何揚州臨葬云埋玉樹著土中使人

情何能已已搜神記曰初庾亮病術士戴洋曰昔蘇峻事公於白石樹中許賽傳

徵

筆墨耳

○○ 王長史病篤寢臥燈下轉麈尾視之歎曰如此

人曾不得四十及公劉尹臨殯以犀柄麈尾著

柩中因慟絕蒙別傳曰蒙以永和初卒年二十九沛國劉惔與蒙至交及卒惔深悼之雖友于之愛不能過也

○○ 支道林喪法虔之後精神實喪風味轉隆支遁

法虔道林同學也儁朗有理義遁甚重之常謂人曰昔匠石廢斤於

此帖世說補卷之十四

六

祠

劉云竹無像獨置此第資後人

北齊書卷之十四

郢人莊子曰。郢人墜漫其鼻端。若蠅翼。使匠石運斤斲之。至盡而鼻不傷。郢人立不失容。

牙生輟弦於鍾子韓詩外傳曰。伯牙鼓琴。鍾子期聽之。方鼓琴。志在泰山。子

期曰。善哉。乎鼓琴。巍巍乎若泰山。莫景之閒。志在流水。子期曰。善哉。乎鼓琴。洋洋乎若流水。鍾

子期死。伯牙擗琴絕弦。終身不復鼓之。以為在者無足為之鼓琴也。推已外求良

不虛也。冥契既逝。發言莫賞。中心蘊結。余其亾

矣。卻後一年。支遂殞。

戴公見林法師墓支遁傳曰。遁太和元年。終。干剡之石城山。因葬焉。曰。

德音未遠。而拱木已積。冀神理緜緜。不與氣運

俱盡耳。王珣法師墓下詩序曰。余以寧康二年。命駕之。則石城山。即法師丘也。高墳鬱鬱。

為荒楚。丘隴化為宿莽。遺跡未滅。而其人已遠。感想平昔。觸物悽懷。其為時賢所惜如此。

王子敬與羊綏善。綏清淳簡貴。為中書郎少亾

王深相痛悼。語東亭云。是國家可惜人。羊氏譜曰。綏字

仲彥。泰山人。父楷。尚書郎。綏仕至中書侍郎。

王東亭與謝公安惡。中興書曰。珣兄弟皆胥謝氏。以猜嫌離婚。太傅既與

敬道。欲哭謝公子。敬始臥。聞其言。便驚起。曰。所

望於法護。王於是往哭。督帥刁約不聽。前曰。官

平生。在時不見此客。王亦不與語。直前哭。甚慟。

此點世說補卷之十四

此點世說補卷之十四

離妻晉書
離珉妻義
乃通

王云支公乃爾
邪名理何在

不執末婢手而退。末婢謝琰小字。琰字瑗度。安少子。開率有大度。為孫恩所

害。贈侍中。司空。

○ ○

古世說不見 疑補

羊曇少為謝太傅所知。晉書曰。羊曇者。泰山人。知名士也。為謝公所愛。

太傅亡後。羊輟樂彌年。行不由西州路。嘗因

石頭大醉。扶路唱樂。不覺至州門。左右白曰。此

西州門。羊悲感不已。以馬策叩扉。詠曹子建詩

曰。生存華屋處。零落歸山丘。曹子建。箜篌引。慟哭而去。

羊孚年二十一卒。羊氏譜曰。孚年四十一而卒。桓玄與羊欣

書曰。賢從情所信寄。暴疾而殞。宋書曰。欣字敬元。泰山南城人。

少懷靜默。秉操無競。美姿容。善笑言。長於草。羊氏譜曰。孚即欣從祖。祝予之歎

如何可言。公羊傳曰。顏淵死。子曰。噫。天喪予。子路亡。子曰。噫。天祝予。何休曰。祝者斷也。天將亡夫子耳。

也。天將亡夫子耳。

同上 ○ 王東亭亡後。桓敬道與會稽王道子書曰。元琳

神情朗悟。經史明徹。風流之美。公私所寄。忽爾

喪失。歎悼之深。豈惟風流相悼而已。

○ 孝武山陵夕。王孝伯入臨。告其諸弟曰。雖榱桷

惟新。便自有黍離之哀。中興書曰。烈宗喪。會稽王道子執政。寵幸王國

寶。委以機任。王恭入赴山陵。故有此歎。

此點世說補卷之十四

王子猷子敬俱病篤而子敬先亡獻之以泰元十三年卒年

四十五子猷問左右何以都不聞消息此已喪矣

語時了不悲便索輿來奔喪都不哭子敬素好

琴便徑入坐靈牀上取子敬琴彈弦既不調擲

地云子敬子敬人琴俱亡因慟絕良久月餘亦

卒幽明錄曰泰元中有一師從遠來莫知所出云人命應終有生樂代者則死者可生若逼人求代亦復不過少時人聞此咸怪其虛誕王

子猷子敬兄弟特相和睦子敬疾屬續子猷謂

之曰吾才不如弟位亦通塞請以餘年代弟師

曰夫生代死者以已年限有餘得以足亡者耳

今賢弟命既應終君侯筭亦當盡復何所代子猷先有背疾子敬疾篤怕禁來往聞亡便撫心

悲惋都不得一聲背即潰裂推之信而有實

補范蔚宗既被繫上有白團扇甚佳送令出詩賦

美句擘攬筆書曰去白日之昭昭襲長夜之悠

悠上為循覽悽然沈約宋書曰范擘字蔚宗順

音律為高祖相國掾稍遷太子詹事坐與孔熙先等謀逆誅事別見

補張思曼亡後從弟融齎酒於靈前酌酒慟哭曰

阿兄風流頓盡

補王威明亡後昭明與湘東王繹書曰威明風韻

適正神峰標映千里絕迹百尺無枝實俊人也

一爾過隙永歸長夜金刀掩鉞長淮絕澗去歲

冬中已傷劉子謂孝也今茲寒孟復悼王生俱往

之傷信非虛說南史曰王規字威明尚書騫之子也幼稱孝童年十二通五經

起家秘書郎天監中除中書黃門侍郎侍東宮為昭明太子所禮仕至太子中庶子

補梁簡文梁書曰帝諱綱字世纘武帝第三子侯景克建康帥兵入殿幽於永福省尋弒

之為侯景幽繫南史曰侯景字萬景魏之懷朔鎮人也初事爾朱榮高歡誅爾

朱氏遂為歡用歡死叛歸於梁太清二年題壁陷石頭城自稱漢王湘東王繹起兵斬之

自叙云有梁正士蘭陵蕭世纘立身行道終始

如一風雨如晦雞鳴不已弗欺暗室豈况三光

數至於此命也如何三國典略曰簡文為侯景所幽作連珠曰吾知此行

則五福俱湊連閉則六極所鍾是以麟出而悲豈唯孔子途窮則慟寧止嗣宗

○補崔浩誅後北史曰浩作國書立石銘以彰直筆北人忿焉構浩於帝使有司案誅之

睦夸為之素服受鄉人弔嘯歎曰崔公死誰能

更容睦夸北史隱逸傳曰睦夸一名旭趙郡高邑人父邃慕容寶中書令夸少有

度號好書傳未嘗以世務經心高尚不仕與崔浩為莫逆之交浩為司徒奏徵為中郎州郡逼

遣入京與浩相見惟飲酒談叙平生不及世利浩投詔書於夸懷夸曰何足以此勞國士也吾

便將別浩以夸所乘騾內之廐中冀相維繫夸遂託鄉人輸租者謬為御車出關時朝法甚峻

夸既私還將有私歸之咎浩仍相左右始得無坐經年浩送夸本騾兼遺以所乘馬為書謝之

夸不。受其驟馬。亦不復書。及浩沒。爲之素服。受鄉人弔。經一時乃止。

○補

咸陽王窮極驕奢。姬妾數十。猶遠有簡娉以恣

其情。後以叛誅。官人爲之歌曰。可憐咸陽王。奈

何作事悞。金牀玉几不能眠。夜踢霜與露。洛水

湛湛彌所長。行人那得渡。其歌流傳江表。北人

在南者。雖至富貴。弦歌奏之。莫不灑泣。北史曰。咸陽王

禮。魏獻文皇帝子也。

○補

雷宣微頗涉書道。因讀史。廢書流涕。曰。功名者

貪夫之鈎。餌橫戈開邊。枝劔討叛。死生食息之

不顧及其死也。一棺戢身。萬事都已。悲夫。東晉

曰。雷有終。同州郃陽人。殿中御史德驤子也。以父任爲萊蕪尉。有平賊功。授保信軍留後。契丹入寇。真宗幸澶淵。有終赴援。威聲甚震。召拜宣徽北院使。

棲逸

○補

王君公遭亂不去。僧牛自隱。僧謂平會兩。時人

爲之語曰。避世墻東。王君公。稽康高士傳曰。君

事不用。乃自汚。與官婢通。免歸。詐狂。僧牛。口無二價也。後漢逢萌傳曰。萌與平原王君公友善。

○補

蔣元卿舍中三徑。唯羊仲求仲從之遊。二仲皆

挫廉。逃名之士。司馬彪續漢書曰。蔣詡。字元卿。父喪。弔者盈門。後母疾之。不得

棲逸

此點世說補卷之十四

十一

止書廬自作小
菴於側往如舊。

○補張仲蔚隱居平陵蓬蒿滿宅唯開一行徑

三輔決錄

曰仲蔚扶風人少與同郡魏景卿隱身不仕明天官博物好為詩賦所居蓬蒿沒人。

○ ○

向子平讀易至損益卦

易損卦曰二簋可用亨損益盈虛與時偕行益

古世說不見疑補

卦曰損上益下民說無疆也。

喟然歎曰吾已知富不如貧貴

不如賤但不知死何如生耳為子嫁娶畢救家

事斷之云當如我已死與同好禽子夏俱遊五

嶽名山不知所終

魏隸高士傳曰向長字子平禽慶字子夏二人相善慶隱

避不仕王莽通老易安貧樂道好事者更饋遺慨受之自足還餘如有不取也舉措必於中和

司空王邑辟之連年乃欲薦之於莽固辭乃止後漢書曰向長河內朝歌人

同上 ○ ○

韓伯休采藥名山賣於長安市口不二價三十

餘年時女子從韓買藥守價不移女子怒曰公

是韓伯休那乃不二價伯休歎曰我本避名今

女子皆知有我何用藥為乃遁入灞陵山中

范

後漢書曰韓康字伯休京兆霸陵人桓帝以安車聘之康辭安車自乘柴車晨先使者發至亭亭長以韓徵居當過左發人牛修道及見康柴車輻巾以為田叟也使奪其牛即釋駕與之有頃使者至奪牛翁乃徵君也使者欲奏殺亭長康曰此自老子與之亭長何罪乃止康因遁道以壽終

此點世說補卷之十四

〇〇

阮步兵嘯聞數百步。蘇門山中忽有真人樵伐者咸共傳說。阮籍往觀見其人擁鄰巖側籍登嶺就之箕踞相對籍商略終古上陳黃農玄寂之道下考三代盛德之美以問之仡然不應復叙有為之教棲神導氣之術以觀之彼猶如前凝矚不轉籍因對之長嘯良久乃笑曰可更作籍復嘯意盡退還半嶺許聞上啣然有聲如數部鼓吹林谷傳響顧看迺向人嘯也。魏氏春秋曰阮籍常率意獨駕不由徑路車跡所窮輒慟哭而反嘗遊蘇門山有隱者莫知姓名存竹實數斛作日

土云有為之教四字甚深

曰

光

而已籍聞而從之談太古無為之道論五帝三王之義蘇門先生條然曾不語之籍乃嘯然長嘯韻響寥亮蘇門先生乃追爾而笑籍既降先生喟然高嘯有如鳳音籍素知音乃假蘇門先生之論以寄所懷其歌曰日沒不周西月出丹淵中陽精晦不見陰先代為雄亭亭在須臾厭厭將復隆富貴倏仰問貧賤何必終竹林七賢論曰籍歸遂著大人先生論所言皆曾懷問本趣大意謂先生與已不異也觀其長嘯相和亦近乎日擊道存矣

○李廞是茂曾第五子清貞有遠操而少羸病不肯婚宦居在臨海住兄侍中墓下既有高名王丞相欲招禮之故辟為府掾廞得賤命笑曰茂弘乃復以一爵假人。文字志曰廞字宗子江夏鍾武人祖康秦州刺史父

此云如云借看

批點世說補卷之十四

十三

重。平陽太守。世有名望。厥好學。善草隸。與兄式齊名。楚疾不能行。坐常仰臥。彈琴讀誦不輟。河間王辟太尉掾。以疾不赴。後避難。隨兄南渡。司徒王導復辟之。厥曰。茂弘乃復以一爵加人。永和。中卒。厥嘗為二府辟。故號李公府也。式字景則。厥長兄也。思理儒隱。有平素之譽。渡江。累遷。臨海太守。待中。年五十四而卒。

阮光祿在東山。蕭然無事。常內足於懷。阮裕別傳曰。裕

居會稽剡山。志存肥遁。有人以問王右軍。右軍曰。此君近

不驚寵辱。老子曰。寵辱若驚。得之若驚。失之若驚。雖古之沈冥。何

以過此。楊子曰。蜀莊沈冥。李軌注曰。沈冥。猶玄寂。浪然無迹之貌。

何驃騎弟。以高情避世。而驃騎勸之令仕。答曰。

予第五之名。何必減驃騎。中興書曰。何準。字幼

軍。充第五弟也。雅好高尚。徵聘。一無所就。充位居宰相。權傾人主。而準散帶衡門。不及世事。于時名德皆稱之。年四十七卒。有女為穆皇帝后。贈光祿大夫。子恢。讓不受。

南陽劉麟之。高率善史。傳隱於陽岐。于時符堅

臨江。荊州刺史桓沖將盡討謨之益。徵為長史。

遣人船往迎。贈貺甚厚。麟之聞命。便升舟。悉不

受所餉。緣道以乞。窮乏。比至上明。亦盡。一見沖。

因陳無用。條然而還。居陽岐積年。衣食有無。常

與村人共。值已匱乏。村人亦如之。甚厚為鄉閭

往

云古無此類

所安。鄧粲晉紀曰。麟之字子驥。南陽安衆人。少尚質素。虛還寡欲。好遊山澤間。志存遁逸。

王三註尤佳

桓冲嘗至其家。麟之方條桑。謂冲使君既枉駕。光臨。宜先詣家。君冲遂詣其父。父命麟之。然後乃還。拂短褐。與冲言。父使麟之自持濁酒。菹菜供賓。冲使人代之。父辭曰。若使官人。則非野人之意也。冲為慨然。至昏乃退。因請為長史。固辭。居陽岐。去道斥近。人士往來。必投其家。麟之身自供給。贈致無所受。去家百里。有孤嫗疾將死。謂人曰。唯有劉長史當理我耳。麟之身往候之。值終。為治棺殯。其仁愛皆如此。以壽卒。

南陽翟道淵與汝南周子南少相友共隱于潯

陽庾太尉說周以當世之務周遂仕翟秉志痛

固其後周詣翟翟不與語晉陽秋曰。翟湯字道淵。南陽人。清方有節。

先諫

陽壽中語雖錄已無能為光容

誤知而陰刺庾公不能自別夜光也

後也。篤行任素。義讓廉潔。饋贈一無所受。值亂多寇。聞湯名德。皆不敢犯。潯陽記曰。初庾亮臨江州。聞翟湯之風。束帶躡屐而詣焉。亮禮甚恭。湯曰。使若直欲其枯水朽株耳。亮稱其能言。表薦之。徵國子博士。不赴。主簿張玄曰。此君臥龍。不可動也。終于家。

孟萬年及弟少孤居武昌陽新縣萬年遊宦有

劉云少孤名陋皆惟萬年何辜

盛名當世少孤未嘗出京邑人士思欲見之乃

遣信報少孤云兄病篤狼狽至都時賢見之者

莫不嗟重因相謂曰少孤如此萬年可死袁宏孟處

士銘曰。處士名陋。字少孤。武昌陽新人。吳司空孟宗後也。少而希古。布衣蔬食。棲遲蓬蓽之下。絕人間之事。親族慕其孝。大將軍命會稽王辟之。稱疾不至。相府歷年虛位。而澹然無悶。卒不

此點世說新語卷之十四

十五

降志時人奇之。

古世說不見疑補

○王右軍既去官。與東土人士營山水弋釣之娛。又與道士許邁共修服食。徧采名藥。不遠千里。遊東中諸郡名山。泛滄海。歎曰。我卒當以樂死。

道學傳曰。許邁字叔玄。清虛接真。遐棲表志。所在往而不返。故改名遠遊。與王右軍父子為世交。

○康僧淵在豫章。去郭數十里。立精舍。旁連嶺帶長川。芳林列於軒庭。清流激於堂宇。乃閒居研講。希心理味。便公諸人多往看之。觀其運用吐

納風流轉佳。加已處之怡然。亦有以自得聲名。乃興。後不堪。遂出。僧淵氏族所出。未詳。疑是胡人。尚書令沈約撰晉書亦稱

其有義學。

○戴安道既厲操東山。續晉陽秋曰。逵不樂當世。以琴書自娛。隱會稽剡山。

國子博士而其兄欲建式遏之功。戴氏譜曰。逵字安丘。譙國

人。祖碩。父綏。有名位。逵以武勇顯。有功封廣陵侯。任至大司農。謝太傅曰。卿兄

弟志業何其大殊。戴曰。下官不堪其憂。家弟不改其樂。

范宣未嘗入公門。韓康伯與同載。遂誘俱入郡。

范便於車後趨下續晉陽秋曰宣少尚隱遁家于豫章以清潔自立

許掾好遊山水而體便登陟時人云許非徒有

勝情實有濟勝之具

○補張廌隱居願志家有苦竹數十頃張於竹中為

屋常居其中王右軍聞而造之張逃避竹中不

與相見永嘉郡記曰樂成縣民張廌隱居願志不應辟命一郡號為高士

○郗尚書中興書曰郗恢字道胤高平人父曇北

宗器之以為藩伯之望自太子左率擢為雍州刺史與謝居士善常稱謝

慶緒識見雖不絕人可以累心處都盡極道極

王云此許故未

秋曰謝敷字慶緒會稽人崇信釋氏初入太平

山中十餘年以長齋供養為業招引同事化納

不倦以母老還南山若邪中內史郗愔嘗薦之

徵博士不就初月紀少微星一名處士星占云

以處士當之時戴逵居剡既美才藝而交遊貴

盛先敷著名時人愛之俄而敷死會稽人士以

朝吳人云吳中高士便是求死不得

王子猷嘗暫寄人空宅住便令種竹或問暫住

何煩爾王嘯詠良久直指竹曰何可一日無此

君中興書曰徽之卓犖不羈欲為傲達放肆聲色頗過度時人欽其才識其行也

郭元瑜少有拔俗之韻晉書曰郭瑀字元瑜儼

張天錫遣使備禮徵之元瑜指翔鴻示使人曰

世說新語

補

此鳥安可籠哉

天錫遺瑀書曰先生潛光九臯懷真獨遠心與至境冥符志與

四時消息豈知蒼生倒懸四海待拯孔子車不停軌墨子駕不俟且皆以黔首之禍不可不救先生懷濟世之才故遣使者虛左授綬

古世說不見

疑補

陶徵士嘗言五六月北窗下臥遇涼風暫至自謂是羲皇上人

○補

宗少文好山水愛遠遊西陟荆巫南登衡嶽因

結宇衡山欲懷尚平

向平高士傳作尚平

之志有疾還江

陵歎曰老疾俱至名山恐難徧觀唯當登懷觀

道臥以遊之凡所遊履皆圖之於室謂人曰撫

琴動操欲令眾山皆響

宋書曰宗炳字少文南陽涅陽人祖承宣都太

守父繇之相鄉令母同郡師氏聰辯有學義教授諸子炳居喪過禮為郡間所稱宋高祖辟主簿荅曰棲丘飲谷三十餘年刺史殷仲堪桓玄屢辟並不就

○補

孔淳之居會稽剡縣性好山水每有所遊必窮

其幽峻或旬日忘歸

宋書曰孔淳之字彥深魯郡人祖愔尚書祠部郎父

粲秘書監徵不就淳之少高尚愛好墳籍與徵士戴顓王弘之及王敬弘等共為人外之遊元嘉初徵散騎郎不到嘗遊山遇沙門釋法崇因畱共止遂

停三載法崇歎曰緬想人外三十年矣今乃傾

蓋於茲不覺老之將至淳之還反不告以姓

會稽

舊志曰竺法崇有律學精於法華經居剡之葛峴山茅茨澗飲孔淳之訪之信宿不去神思傾豁

○補

江湛舉王景玄為吏部郎王與湛書曰君平有言生我名者殺我身天爵猶滅名安用吏部郎哉其舉可陋其事不經非獨縉紳者不道僕妾皆笑之因與湛告絕足不踰閩十餘年棲遲環堵之室苔草沒堦皇甫謐高士傳曰嚴遵字君平蜀人隱居不仕賣卜於成都市日得百錢自給卜訖則閉肆下簾以著書為事有富人羅冲為具車馬衣糧君平曰吾非不足也子奈何以不足助有餘冲曰吾有萬金子無儋石乃云有餘不亦謬乎君平曰不然吾

宿子家入定而後未息晝夜汲汲奉嘗有金知我以上為業不下床而錢自至猶餘數百知所用此非我有餘而子不足耶冲大慙君平嘆曰益我貨者損我神生我名者殺我身時人服之

○補

顧長孺有隱操齊書曰顧黯字長孺吳郡人有隱操與顧景怡南史曰顧歡字景怡一字玄平吳興鹽官人好黃老通陰陽為術數多驗隱居不仕於天台山開館聚徒受業者常百人俱不就徵景怡晚節服食不與人通每旦出戶山鳥集其掌取食

○補

魚復侯南史曰魚復侯子響武帝第四子初封巴東王貶為魚復侯為江州厚餉遺宗敬微宗辭曰少有狂疾尋山採藥遠

來至此。量腹而進。松木度形而衣。薜蘿淡然而已。

足豈容當此橫施。南史曰。測字敬微。南陽涅人。炳之孫也。性靜退。不樂人間。

居江陵。欲遊名山。齋老子。莊子自隨。子孫拜辭。悲泣。測長嘯不視。遂往廬山。

補

庾杲之清素自業。食唯有葑菹藜藿。生葑襍菜。

或戲之曰。誰謂庾郎貧。食鮭常有二十七種。蕭

通雅鮭又為魚菜之總名。如庾郎食鮭是也。

顯齊書曰。杲之字景行。新野人。祖深之。雍州刺史。父粲。司空參軍。杲之少貞立。韶令。和潤。善於音吐。學涉文義。起家奉朝請。太子右衛率。

補

孔稚圭風韻清疎。門庭之內。草萊不剪。中有蛙

鳴。稚圭曰。以此當兩部鼓吹。南齊書曰。孔稚圭字德璋。會稽人。少

涉學。有美譽。仕至太子詹事。

補

王弘之性好釣魚。上虞江有一處名三石頭。弘

之常垂綸於此。會稽志曰。上虞江源出剡縣。東流入江。又北流至三江入海。

或問漁師得魚賣否。弘之答曰。釣亦不得。復

不賣。日夕載魚入上虞郭。經親故門。各以一兩

頭置門內而去。沈約宋書曰。王弘之字方平。瑯琊人。宣訓衛尉鎮之弟。少孤貧。

為外祖何準所養。從叔獻之及太原王恭甚貴。重之。後謝靈運。顏延之。並相欽重。靈運與廬陵

王義真。賤曰。會境既豐。山水江左嘉遁。並多居之。但季世慕榮。幽棲者寡。或復木為時求。弗獲

從志。若王弘之。拂衣歸耕。踰歷三紀。孔淳之。隱約窮岫。自始迄今。阮萬齡。辭事就閒。纂戎先業。

浙河之外。棲遲山澤。如斯而已。既遠同義。唐亦激貪厲競。殿下愛素好古。常若布衣。每意昔聞。虛想巖穴。若遣一介。有以相存。真可謂千載盛美也。初為衛軍參軍。後屢徵太子庶子。散騎常侍。不就。卒。

補

陶貞白幼有異操。年十歲得葛洪神仙傳。晝夜

研尋。便有養生之志。謂人曰。仰青雲觀。白日不

為遠矣。神仙傳曰。洪弟子滕升常問洪曰。古之

百人劉向所纂又七十一人。今錄集以傳真識之士。

補

王沙彌沙彌王暉小字也。北史曰。暉字叔朗。北

有風則齊亡。周武帝以為儀同大將軍。母終後。遨遊鞏洛。悅

水閣

水。圖經曰。洛水出洛南縣冢嶺山。經鞏縣入於

居之。可樂。平川廣衍。東西數百里。高山少室。天

壇。玉屋。岡巒靡迤。四顧可挹。伊洛瀍澗。流出平

地。故其山川之勝。泉流之潔。雖其間闢之人。與

公侯共之。一敞之宮。上矚青山。下聽流水。奇花

修竹。布列左右。而其貴家巨室。圍園亭觀之盛。實甲天下。與范陽盧元明北

史。曰。元明字幼章。范陽涿人。涉歷羣書。兼有文義

風采。開潤。進退可觀。中山王熙博識之士。見而

嘆曰。盧郎有如此風神。唯須誦離騷。飲美酒。鉅

自為佳士。太平中。副李諧使梁。南人稱之。鹿魏季景。結侶同契。往天陵山。浩然有終焉之

志。北齊書曰。魏季景。收族叔也。父鸞。有容儀。為

奉車都尉。季景少孤。清苦自立。有文才。官至

大司農卿。

○補王無功有田十六頃在河渚間奴婢數人自課種黍春秋釀酒養鳧鴈蒔藥草自供與仲長子光服食養性欲見兄弟輒渡河還家遊北山東臯著書自號東臯子

○補朱樾樾隱居不仕披裘帶索浮沉人間宋祁唐書曰樾

樾益州成都人澹泊無為隱居不仕高士廡在益州屢遣人存問見輒走林草自匿實益

州遺以衣服逼為鄉正劉昫唐書曰實軌字士

之子也武德三年為益州道行臺左僕射樾樾不言而退逃入山中

夏則裸形冬則樹皮自覆贈遺一無所受身織

芒屨置路傍見者皆言朱居士屨也易米置木處桃樾至夕取之終不見人

○補孔極侍郎朝迴遇雨避於一叟之廡下延入廳事叟烏帽紗巾逢迎甚恭因備酒饌一一精好孔公借油衣叟曰某寒不出熱不出風不出雨不出未嘗置油衣也孔公不覺頓忘宦情

○補王摩詰貯蕙蘭用黃磁斗養以綺石累年彌盛劉昫唐書曰王維字摩詰太原祁人與弟縉俱有俊才博學多藝閨門友悌兄弟奉佛居常蔬食不茹葷血晚年長齋不衣文綵得宋之問藍田別墅在輞口輞水周於舍下竹洲花塢與道

種

王云此為今人神草蒲之祖

友裴迪。浮舟往來。彈琴賦詩。嘯詠終日。在京師。日飯十數名僧。以玄譚為樂。齋中無所有。唯茶。鑷酒。曰。經案繩牀而已。退朝之後。焚香獨坐。以禪誦為事。妻亡。不再娶。三十年。孤居一室。屏絕塵累。

○補顏真卿為湖州刺史。唐書曰。真卿字清臣。瑯琊臨沂人。五代祖之推。北齊

黃門侍郎。真卿少有詞藻。工書。開元中進士。四命為監察御史。出為平原太守。祿山反。與從父兄杲卿討賊。代宗立。改尚書右丞。封魯郡公。以正直立朝。為楊炎盧杞所忌。遣論李希烈。不屈。遇害。張志和來謁真卿。以其舟敝漏。請更之。志和

曰。願為浮家泛宅。往來苕霅間。輿地志曰。苕溪

源自獨松嶺。合浮玉山水。至吳興。入于太湖。霅溪者。以其合苕溪。前溪。餘不溪。北流。四水為一

溪。故曰霅也。又云。四水激射。霅然有聲。謂之霅溪。

○補許謹選。放曠不拘小節。與親友結宴花園中。未

嘗張幄設坐。只使僮僕聚落花鋪坐下。曰。吾自

有花裯。按開元天寶遺事載此。是學士許慎選。而語林作謹選。未知何據。

○補种明逸。至性嗜酒。嘗種秫自釀。每日空山清寂。

聊以養和。王聖塗澠水燕談曰。种放字明逸。舉進士。不第。隱於南山豹林谷。學行高

古。性頗嗜酒。躬耕種秫。以自釀。所居有林泉之勝。景德中。召至闕。真宗欲大用。固辭還山。

○補林逋。隱居孤山。嘗畜兩鶴。縱之則飛入雲霄。盤

旋久之。復入籠中。逋常泛小艇西湖諸寺。有客

釋

訂張文謂未知何據。特為拈出。以什觀者之疑。

王云。宋人謹慎。每以謹代何元。明所見乃宋刻。本何既不為改。

至逋所居。則一童子應門。延客坐。為開籠縱鶴。良久。逋必棹小船而歸。蓋常以鶴飛為客至之

驗。歸田錄曰。林逋字君復。居杭州西湖之孤山。真宗聞其名。賜號和靖處士。詔長吏歲時勞

問。逋工畫。善為詩。如草泥行郭索。山木叫鉤輞。頗為士大夫所稱。

○補蘇養直隱京口

荃翁貴耳集曰。蘇庠字養直。父伯固從東坡遊。東坡我夢扁舟

遊震澤之詞。為伯固作也。養直屬玉雙飛水。滿塘之句。亦見賞于坡。坡呼為吾家養直。紹

興間與徐師川同召。養直不起。師川造朝時。便

道過養直。留飲甚歡。二公平日對奕。徐高於蘇

是日。養直拈一子笑視師川曰。今日還須讓老

師

夫下此一着。師川有愧色。

宋史曰。徐俯字思川。洪州分寧人。以父禮

死事。授通直郎。張邦昌僭位。遂致仕。時工部侍郎何昌言與弟昌辰避邦昌諱。皆改名。俯買婢

為。昌奴。客至。即呼前驅使之。高宗朝。胡直孺注藻。送薦之。召為諫議大夫。周輝清波襍志曰。師

川。紹興初。由諫垣遷翰苑。贊機命。

李卓吾批點世說新語補卷之十四

和風十言不卷之一

二四

